



LAPORAN LIPUTAN MEDIA

RABU / 9 JANUARI 2019

- 1. PEKEBUN KECIL BANTAH CADANGAN**
 - **BERITA HARIAN**

- 2. TIADA KOMPROMI PROJEK ANCAM PENYU KARAH**
 - **SINAR HARIAN**

DISEDIAKAN OLEH :
CAWANGAN KOMUNIKASI KORPORAT
(MADA)

KERATAN AKHBAR : BERITA HARIAN

TARIKH : 9 JANUARI 2019

PERKARA : PERTANIAN

SYOR GABUNG LOT PERTANIAN KECIL JADI ESTET

Pekebun kecil bantah cadangan

Ipoh: Pekebun sayur di Cameron Highlands, termasuk pekebun kecil tidak bersetuju dengan cadangan Perdana Menteri, Tun Dr Mahathir Mohamad, supaya lot pertanian kecil berdekatan digabung menjadi estet bagi membolehkan pengurusannya menjadi lebih cekap.

Pengerusi Persatuan Pekebun Kecil India Cameron Highlands, P Viswanathan, berkata adalah sukar untuk menggabungkan semua kebun sayur di tanah tinggi itu, terutama dalam kalangan kira-kira 600 keluarga pekebun kecil India yang mengusahakan kebun sayur berkeluasan antara 0.8 hektar hingga dua hektar setiap keluarga.

"Apa yang boleh dilakukan kerajaan ialah mewujudkan pusat pengumpulan pertanian yang membuat pembelian pada

harga tetap supaya petani menikmati pendapatan tetap.

"Ketika ini, setiap pekebun melakukan penjualan sendiri pada harga berbeza mengikut kadar ditetapkan pemborong.

FAMA boleh jadi ejen

"Mungkin Lembaga Pemasaran Pertanian Persekutuan (FAMA) boleh ditugaskan mengurus pusat pengumpulan itu dan menjadi ejen menjual sayur-sayuran pekebun kecil di tempat lain seperti pasar raya besar," katanya ketika dihubungi, semalam.

Kelmarin, Perdana Menteri dilaporkan mencadangkan golongan petani dan nelayan berusaha dan mengambil pendekatan berbeza daripada cara tradisi supaya mampu bersaing serta menjana pendapatan lumayan.

Dr Mahathir dilaporkan ber-

kata, kerajaan bercadang memperkenalkan sistem pengurusan pertanian lebih cekap untuk membantu petani dan peladang kecil keluar daripada kepompong kemiskinan.

Kaedah pertanian berbeza

Pengerusi Pertubuhan Pertanian Biodinamik Malaysia, Ng Tien Khuan, berkata sukar untuk menggabungkan kawasan sayur-sayuran dimiliki lebih 2,000 pekebun kecil di Cameron Highlands kerana kaedah pertanian tidak sama.

Walaupun kerajaan melantik mereka yang dikatakan pakar dalam menguruskan ladang berskala besar, beliau berkata, tidak semestinya golongan itu memahami masalah dan kos sebenar penanaman sayur-sayuran berbanding pekebun kecil berpengalaman.

"Di Cameron Highlands, kebiasaannya kos untuk penanaman di ladang kecil lebih murah berbanding ladang besar.

"Sebagai contoh, jika satu tapak pertanian kebun kecil membabitkan kos 20 sen, ladang besar biasanya meningkat kepada 30 sen," katanya yang menjelaskan peningkatan kos itu mungkin disebabkan tenaga buruh, baja dan sebagainya.

Katanya, ada bukti ladang sawit diuruskan pekebun kecil didapati lebih praktikal berbanding dimiliki syarikat perladangan besar berikutan pihak pengurusan tidak cekap.

Bagaimanapun, Tien Khuan tidak menafikan kemungkinan cadangan itu sesuai dan praktikal untuk pertanian lain seperti sawah yang lazimnya di satu tempat dan menggunakan sistem pengairan sama.

KERATAN AKHBAR : SINAR HARIAN

TARIKH : 9 JANUARI 2019

PERKARA : PERIKANAN

RABU 9 JANUARI 2019 • SINAR HARIAN

Tiada kompromi projek ancam penyu karah

ALOR GAJAH - Kerajaan Melaka tidak akan berkompromi terhadap projek tambahan laut yang tidak mematuhi peraturan dan spesifikasi ditetapkan sehingga mengancam penyu karah dan hidupan laut lain di negeri ini.

Exco Pertanian, Pembangunan Usahawan, Industri Asas Tani dan Koperasi Melaka, Norhizam Hassan Baktee berkata, pencemaran berlaku berikutan kegiatan penambahan laut sehingga mengubah ekosistem hidupan laut di kawasan terlibat, antara lain turut mengancam pendudukan penyu karah.

Beliau berkata, penyu karah merupakan khazanah alam yang perlu dilindungi, justeru kerajaan negeri sentiasa mengambil sikap tegas terhadap isu membabitkan alam sekitar negeri ini seiring dengan dasar kerajaan negeri yang mahu pembangunan seiring dengan kelestarian alam sekitar.

"Projek tambahan laut menjadi antara punca penyu tidak mendarat di Kuala Linggi dan Tanjung Bidara dekat sini. Oleh itu, saya tidak akan membiarkan kegiatan (projek tambahan laut) tersebut berlaku tanpa sebarang kelulusan daripada kerajaan negeri.

"Jika ia (projek tambahan laut) berlaku secara berterusan, ada kemungkinan penyu merajuk dan tidak akan kembali ke destinasi pendaratan,"

katanya kepada pemberita selepas merasmikan Hari Penghargaan Pekerja Konservasi Penyu 2018 di Pusat Konservasi dan Penerangan Penyu, Padang Kemuning di sini, kelmarin.

Pada majlis itu, seramai lapan perjuang tehir penyu berlesen diraikan bagi mengahgaji jasa mereka dalam membantu Jabatan Perikanan Melaka menjaga dan memelihara penyu.

Hadir sama Pengarah Jabatan Perikanan Melaka, Johari Tim.

Norhizam berkata, pendaratan penyu di Pulau Upeh mengalami penurunan sebanyak 30 peratus apabila hanya terdapat 20 sarang tahun lepas berbanding 36 sarang pada 2017 yang mana setiap sarang menghasilkan kira-kira 130 biji telur.

"Jabatan Perikanan merekodkan pendaratan penyu karah berjumlah 4,594 sarang dengan 544,930 telur sepanjang 2009 hingga tahun lepas. Manakala, sebanyak 317,583 anak penyu dilepaskan ke laut bagi tempoh sama," katanya.

Sementara itu, Johari berkata, jabatannya menyasarkan pusat konservasi berkenaan mampu menarik kehadiran 70,000 pengunjung tempatan dan luar negara bersempena Tahun Melawat Melaka 2019 berbanding 58,000 pengunjung, tahun lepas. - Bernama

FOTO: BERNAMA



Norhizam (tengah) menyampaikan hadiah kepada pemenang Anugerah Pekerja Konservasi Penyu Cemerlang 2018.